



Broj: 04-GV-04-1223/21
Sarajevo, 12.10.2021. godine

*ZAPISNIK O RADU
ŠESTE SJEDNICE KOMISIJE ZA PITANJA MLADIH
održane 12.10.2021. godine*

Prisutni:

1. Muamer Mekić, predsjedavajući
2. Erna Halilović, zamjenica predsjedavajućeg
3. Samir Bejić, član
4. Fahrudin Korać, član
5. Armina Ligata, članica
6. Renato Adrović, član

Odsutan: Asmir Merdžanović, član (najavljeno odsustvo)

Sjednici iz Stručne službe Gradskog vijeća Grada Sarajeva prisustvuje:

- Mirjana Đanović Stanić, rukovodilac Stručne službe Gradskog vijeća Grada Sarajeva

Predsjedavajući Komisije je upoznao članove da je pred početak sjednice dostavljena za razmatranje Informacija o pitanju i statusu mladih u Gradu Sarajevu, te predložio da se ista uvrsti u dnevni red današnje sjednice. Informacija je podijeljena članovima Komisije kako bi se upoznali sa istom.

Predsjedavajući Komisije je otvorio sjednicu u 11.48 sati, pozdravio prisutne, utvrdio kvorum za punovažan rad i odlučivanje.

Sjednica je započela razmatranjem i jednoglasnim usvajanjem Zapisnika o radu Pete sjednice Komisije za pitanja mladih Gradskog vijeća Grada Sarajeva održane 13.09.2021. godine.

Na prijedlog Predsjedavajućeg Komisije, jednoglasno je usvojen sljedeći **dnevni red**:

1. Nacrt Programa rada Gradskog vijeća Grada Sarajeva za 2022. godinu
2. Informacija o pitanju i statusu mladih u Gradu Sarajevu
3. Tekuća pitanja

TAČKA 1.

Nacrt Programa rada Gradskog vijeća Grada Sarajeva za 2022. godinu

Poslije rasprave i sažetka Predsjedavajućeg, Komisija za pitanja mladih jednoglasno je usvojila sljedeće **zaključke**:

1. Komisija za pitanja mladih sugeriše Gradskom vijeću Grada Sarajeva da razmatra Nacrt Programa rada Gradskog vijeća Grada Sarajeva za 2022. godinu kako je utvrđen i uputi ga u javnu raspravu, s tim da se u Nacrt Programa Gradskog vijeća Grada Sarajeva za 2022. godinu uvrste i sljedeće teme:

I. Naziv teme: *Informacija o implementaciji Plana djelovanja za mlade*

Rok: juli i decembar

Pravni osnov: Statut Grada Sarajeva i Plan djelovanja za mlade Grada Sarajeva

Kratak sadržaj: Informacija sadrži pregled implementiranih aktivnosti i mjera iz plana djelovanja za mlade Grada Sarajeva.



Razlozi za predlaganje: Gradski vijećnici prate stanje u oblasti putem praćenja implementacije Plana, a s ciljem predlaganja mjera za poboljšanje stanja.

II. Tematska sjednica: *Položaj mladih i učenika na području grada Sarajeva*

Rok: juni

Pravni osnov: Statut Grada Sarajeva

Kratak sadržaj: Na sjednicu se pozivaju relevantne omladinske organizacije i drugi subjekti koji mogu doprinijeti poboljšanju položaju mladih u gradu Sarajevu.

Razlozi za predlaganje: Pokušaj djelovanja i Grada Sarajeva na zadržavanju mladih u Sarajevu, odnosno Bosni i Hercegovini.

III. Naziv teme: *Informacija o stanju i položaju mladih koji pripadaju nacionalnim manjinama*

Rok: juli

Pravni osnov: Statut Grada Sarajeva

Kratak sadržaj: Podaci o stanju i položaju mladih koji pripadaju nacionalnim manjinama iz nacionalnih društava, odnosno od drugih subjekata koji prate stanje u oblasti, s prijedlogom zaključaka.

Razlozi za predlaganje: Praćenje stanja u oblasti i predlaganje mjera za poboljšanje stanja.

2. Komisija za pitanja mladih upućuje sugestiju Gradonačelnici da u 2022. godini formira tim stručnih lica koja bi, u saradnji s nadležnim ministarstvom, dva puta godišnje organizovala radionice na temu vršnjačkog nasilja u osnovnim i srednjim školama.

TAČKA 2.

Informacija o pitanju i statusu mladih u Gradu Sarajevu

Poslije rasprave, na prijedlog Predsjedavajućeg, Komisija za pitanja mladih jednoglasno je usvojila sljedeći **zaključak:**

Komisija za pitanja mladih je razmotrila *Informaciju o pitanju i statusu mladih u Gradu Sarajevu* i predlaže Gradskom vijeću Grada Sarajeva da je primi k znanju.

TAČKA 3.

Tekuća pitanja

Poslije rasprave iz koje je proizišao konkretan prijedlog za zaključivanje, te sažetka Predsjedavajućeg, Komisija za pitanja mladih jednoglasno je usvojila sljedeći **zaključak:**

Komisija za pitanja mladih upućuje inicijativu Gradskom vijeću Grada Sarajeva da se Međunarodni dan mladih koji se obilježava 12.08. uvrsti u Kalendar obilježavanja datuma i događaja od značaja za Grad Sarajevo.

PREDSJEDAVAJUĆI KOMISIJE

Muamer Mekić, s.r.

Predsjedavajući Komisije je u 11.55 sati zaključio rad Šeste sjednice Komisije za pitanja mladih Gradskog vijeća Grada Sarajeva.